

7-23

lo

A

EXEMPLAR

OPTIMI PATRIÆ CIVIS,

&

VIGILANTISSIMI ECCLESIAE
PRAESVLIS,

Quod in Illustrissimo olim

JACOBO ZADZIK,

EPISCOPO CRACOVIENSI,
DVCE SEVERIÆ

spectandum proposuit

ANDREAS KVCHARSKI, Collega Maior, Regius Pro-
fessor, ad S. Adalbertum in Circulo Cracouien. Praepositus,

DVM PIIS MANIBVS

cellarij sui digniss. Vniuersus ordo Academicus
ad Aedes S. Annæ parentaret,

Anno Reparatae Salutis M. DC. XLII. Tertio Nonas Maij.

CRACOVIAE,

Ex Officina Typographica Francisci Casarii





F Gregia res est, mortem condi-
scere. Superuacuum forsitan
putas, id discere, quo semel vtendum
est? Hoc est ipsum, quare meditari
debeamus. Semper discendum est,
quod an sciamus, experiri non pos-
sumus. Meditare mortem. Qui hoc
dicit, meditari libertatem iubet.
Qui mori didicit, seruire dedidicit.
Seneca Epistola XXVI. ad Lucilium.

Illustrissimo ac Reuerendissimo Domino,

D. M A T T H I Æ
L V B I E N S K I

DEI ET APOSTOLICÆ SEDIS
GRATIA,

ARCHIEPISCOPO GNESNENSI,
Legato Nato, Primati, atq; primo Regni Poloniae
PRINCIPĬ;

Perillustribus & Admodum RR. DD.

D. IOANNI TARNOWSKI,
ARCHIDIACONO CRACOVIENSI,
VLADISLAVIENSI, VARSOVIENSI
CANONICO;

D. IOANNI ROMISZOWSKI,
PRÆPOSITO ŁASCENSI,
Scholastico Cracouiensi, Gnesnensi, Lanciciensi,
CANONICO;

D. LVCAE ZDROIOWSKI,
CRACOVIENSI & SANDOMIRIENSI
CANONICO;

A 2

D. ALE-

D. ALEXANDRO BRZESKI,
ARCHIDIACONO ZAVICHOSTEN.

Canonico Cracouien. Scholast. Sandomirien.

S. R. M. Secretario;

Supremæ voluntatis

Illustrissimi olim


IACOBI ZADZIK

EPISCOPI CRACOVIENSIS

DVCIS SEVERIÆ,

Executoribus;

M. ANDREAS KVCHARSKI, Collega Maior, Regius
Professor, S. & P.

 Ebebatur eximia in Academiam, &
Diuum Patrem nostrum IOAN.
NEM CANTIVM, *Illustrissimi*
olim Iacobi Zadzik Episcopi Cra-
couiensis munificentie, *Illustrissime*
ac Reuerendissime Princeps, Perillustres & Admod.
RR. DD. ut funus suum, non publico solum profe-
queremur luctus; verumetiam priuatum tam benefico
Dotatori.

Dotatori erigeremus monumentum. Exhibuit unus-
quisq; nostrū, in persoluendo honore supremo, pijs Ma-
nibus Illustrissimi Antistitis, eum affectum, quem &
pietas, in optimum patriæ Ciuem, & deuotio in vigilā-
tissimum Ecclesiæ Dei Pastorem, & gratitudo in libe-
ralissimum Mecenatem requirebat. Mibi inter alios,
voluntate Perillust. & Adm. Rndi D. Adami Opa-
vicij S. Th. D. & Profess. Canon. Cracouien. Re-
ctoris interea Vniuersitatis, negotium fuit datum, vt
pro tenuitate ingenij mei, res gestas Illustrissimi Anti-
stis, in celeberrimo ad Aedes D. Anne conuētū Aca-
demico, adumbrarem. Quod cū non sine metu, dū
& loci ipsius amplitudo, & frequens doctissimorum vi-
rorum corona, animo meo obuersaretur, recepissem, ele-
gissemq; potius mediocris meæ existimationis iacturam
& pati, quā aliquo debite obseruantie defectu laborare:
factum est benignitate Dei Opt. Max. vt hæc qualis-
cūq; opera mea, viris quibusdam grauissimis, visa non
sine adeo indigna, quæ luci publicæ tradere ur. Obtem-
peravi eorum iudicio, vosq; supremæ voluntatis Illu-
strissimi Antistitis Executores, potissimum elegi, sub
quorum amplissimis nominibus, breuis hæc promerito-
rum commemoratio, tutissimè quiesceret. Ingratam

vobis fore non arbitror, ut pote, in quos ille; & dum
superstes esset, propensissimo affectu ferebatur; & e
discessurus aptissimos iudicavit, à quibus facultates di-
vino munere sibi concessa, in Ecclesias, Cænobia, paupe-
res, aliosq; usus piissimos erogarentur. Perspexit in uno-
quoq; vestrum conscientie integritatem, fidem, cando-
rem, in negotiis absq; procrastinatione expediendis cele-
ritatem, & industriam, aliasq; innumeras virtutes pra-
claras, quibus eos illustres fieri oportere censebat, ad
quos munus amplioris peculij distribuendi, & ordina-
tionis iuxta prescriptū pie voluntatis faciendæ, fuisset
deuolutum. Excipietis igitur animis propensissimis,
hanc quanquam minus exactè formatam gestorum
tanti Presulis delineationem: meq; & Altricem in-
geniorum Academiam, eo quo soletis patrocinio, pro-
sequi non desistetis. Dat. in Collegio Maiori, ter-
tio Idus Maj. Anno Dñi. 1642.

EXEMPLAR

OPTIMI PATRIÆ CIVIS,

⁊

VIGILANTISSIMI ECCLESIAE
PRAESVLIS.



Onuenimus frequentes in hoc sa-
cratum D. Annae templum, Ma-
gnifice D. Rector, Perillustres ⁊
Adm. RR. DD. Clarissimi, Excel-
lentissimi, Venerabiles omnium Fa-
cultatum Doctores ⁊ Professores, Illustres, Magni-
fici, Generosi, vestrisq; titulis ceteri Auditores Orna-
tissimi: diem hanc (tametsi toti Academiae fune-
stem ⁊ acerbam) memoriae Illustrissimi Cancellarij
nostri, IACOBI ZADZIK, consecraturi:
cui hisce diebus, tanquam Cui Optimo, Patriae pa-
triti meritissimo, Antistiti integerrimo, Ecclesia
Cathedralis, totaq; Dioecesis Cracouien. imò cun-
ctus

ctus Senatus, & Resp. Polona parentavit, debitaq;
pietate vigilantiss. Pastoris corpus exanime, humeris
extulit officiosis: atq; adeò in vnus Senatoris fune-
re, tam in templis, quàm in vrbe, quàm in Acade-
mia, miserrimam suam deplorauit orbitatem. At se-
mel tanto Principi, tanto patrono, tanto pastori
Vobis Magnifice D. Rector, Professores mæstissimi,
quibus illius obitus perquàm est luctuosus, visum
non fuit satis? neq; laudationis obsequium semel
impendisse sufficiet, cuius merita clarissima, virtutes
eximiae, beneficia maxima, apud omnem posteri-
tatem vitam spirabunt, & sperabunt, & obtinebunt
immortalem. Plura pijs Manibus, plura pietati,
plura Religioni, cuius typum expressum nobis reli-
quit, plura memoria sæculorum dignis beneficen-
tiæ muneribus debemus. Æquum est enim, ut
quibus iustissimum honorem in vita tribuere tene-
bamus; illis etiam mortuis, pro beneficijs receptis,
omnem grati animi significationem persoluamus.
Dum igitur Professores mæstissimi iusta hæc facitis,
& solennē hoc in loco honorarij tumuli pompam
adornatis, falsoq; lacrymarum imbre funus irri-
gatis luctuosum: persuasit eorum quorum apud me
plurimum

plurimum valet authoritas, vt aliquid verborum
supremæ inpendere pietati. Suscepi fateor mu-
nus & onus Æthna grauius; suscepi plenum pericu-
losæ aleæ laborem; cum nulla sit tanta ingenij feli-
citas, nulla tanta vis facultasq; dicendi, quæ virtu-
tes amplissimas, totoq; in Septentrione, imò & in or-
be Christiano vniuerso celeberrimas, Senatoris O-
pimi, Illustrissimi IACOBI ZADZIK, satis lu-
culenter eloquatur. Verum enimuerò duo dunta-
taxat sunt, quæ me solantur; quod & apud eos dictu-
rus sim, quorum vnusquisq; cum sit in suo ordine
eloquentissimus, pariterque prudentissimus; non in
mephaleratam dictionem, quam funèbris respuit
dolor, sed simplicem orationis candorem requisi-
unt: & in eo loco, qui ad altare D. Patris nostri
IOANNIS CANTII, eximiam Illustrissimi
Cancellarij beneficentiam recognoscit, & quasi ani-
mata eloquentia, ipsius defuncti Mecænatis merita
extollit, apud omnem posteritatem celebranda. Et
cum infinitus propè numerus promeritorum Illu-
strissimi Antifitis reperiatur; tria ego potissimum
admirabor: ostendamque in hoc confessu vestro
longe florentissimo, quali Respub. Ciue, Ecclesia

B

Pasto-

Pastore, Acadēmia Patrono & Mecænate, paucis ante diebus sit orbata; vt vel hac sanè exili & adumbratâ præstantissimarum eius virtutum commemoratione, non nihil de dolore, quo affecti estis maximo, subtrahatur, & mens iugi atq; continuâ acerbis tatum mole depressa, grata iucundaq; amœnitate releuetur. Rem quantæ difficultatis aggressus sim, etiam me tacente, quiuīs aduertere potest. Proinde vestræ humanitatis beneuolentiæq; fuerit, eam non tam ex tenuitate ingenij mei, quam potius ipsius magnitudine aestimare; neque quid dictum sit, sed quid dicendum fuerat perpetuò cogitare.

Bonum & constantem in re communi promouendâ Citem, quicunq; nosse desiderat, in labores illius, studia, contentiones, etiam ipsas, si fieri potest cogitationes, diligenter introspiciat, est necesse: ex his enim ceu lineamentis, & viuis coloribus, Catilinane sit, an Cicero, Sylla an Marius, Verres an Cæcilius, non erit adeò operosum diiudicare. Nam si cut ex vngue leo, digito Hercules, linea ducta Apelles, facile cognosci potest: ita ex præclaris in propagando communi bono conatibus, pietas Ciuum in Patriam singularis, clarè luculenterq; innotescit.

quos

quos si quispiam adhibere neglexerit, dubium est,
an quidquam inter illum, & turbam ignobilem, di-
scriminis sit futurum. Et licet familiare sit innume-
ris, tam excelsum eximiumq; nomen sibi arrogare,
& plenis, quod aiunt buccis, illud frequenter inge-
minare, Cuius Polonus sum: nihilominus tamen,
quam procul pleriq; à tam sublimis rei possessione
absint, propter summam, in rebus intimius cogno-
scendis hebetudinem, & intollerabilem fastum, ad-
uertere non possunt. Nesciunt insani (liceat mihi
illos cum Cicerone, quamvis in re dispari alloqui)
nesciunt, quam arduum munus, & officium Cuius
boni sit; nomen tantum Civium sibi usurpant, quid
autem illud sit, penitus ignorant. Notavit hanc
olim in suis popularibus, Parens Romanæ eloquen-
tiæ Cicero insaniã: quã ne in dies maiori laborarēt,
exemplar illis boni Patriæ Cuius, sparsim in suis monu-
mentis, effingi curavit: ut visã decenti, ex quibus
coalesceret lineamentorum concinnitate, atq; sym-
metria, quantum sibi, ad usurpandam tanti nomi-
nis gloriam deesset, cogitarent, & adscito præstanti
Politicarum virtutum, per continuas actiones ho-
nestas, in suum consortium cætu, quibusvis viris,

optimè de Repub. meritis, efficerentur clariores. At-
tendite paulisper quæso, quibus ille notis, sparsim
expressis, bonum à pernicioso Ciue, discerni volue-
rit, vt quid tandem de Illustrissimo Antistite nostro,
IACOB O ZADZIK, sentiendum sit, iudicare
valeatis. Audaces inquit ille, & mali, & perniciosi
Ciues putantur, qui incitant populi animos ad se-
ditionem, aut qui largitione cæcant mentes impe-
ratorum, aut qui fortes, & claros viros, & de Repub.
benè meritos, in aliquam vocant inuidiam. Qui
verò Patriam suam diligunt, bonos mores saluos in-
columesq; fieri desiderant, periculum non timent,
proposita inuidiâ, morte, nihilo segnius Rempubli-
cam defendunt, æquo & pari iure, cum suis Ciuibus
viuunt, ij boni ciues semper habendi sunt. An non
hæc, in Illustrissimo Antistite nostro, boni Patriæ Ci-
uis relucet vestigia, non pressa leuiter ad exigui tē-
poris prædicationem, sed fixa ad memoriam nomi-
nis illius sempiternam. Siue enim constantem in
eo caritatem patriæ consideres, Themistocle Athe-
nienfi, & Decijs Romanorū, superior est; Siue sin-
gularem in conseruanda salute Conciuium suorum
affectum spectes, Lucullo & Scipioni non cessis
Siue

Siue imperterritū in subeundis pro integritate Reip.
laboribus, & periculis animum examines, Codrum
& Thrasymbulum æmulatus fuisse videtur; Siue de-
mum in iure dicendo æquitatem, in defendendâ re-
rum iudicatarum veritate constantiam, in senten-
tia ferenda auctoritatem, in consilio dubijs Reipub.
casibus subministrando, grauitatem perpēdas, Ari-
stidem, Lycurgum, Nestorem, Catonem, credide-
ris in Polonia reuixisse. Sed ne quispiam hæc, quo-
rum summa tantum tetigi capita, Illustrissimo An-
tistiti, à me paulò liberius afficta esse opinetur, con-
sideret velim, quibus ille initijs atq; gradibus, adeò
copiosam & amplam ciuiliū virtutum possessio-
nem adierit, vt earum pulchritudine illectus, & me-
turpi assentationis vitio absoluat, & quid sibi quoq;
faciendum sit, seriò non perfunctoriè secum inci-
piat reputare. Atque hic mihi latissimum video
aperiri campum, excurrendi in laudes, & promerita,
antiquissimæ Korabitarum Prosapiæ, ex qua maio-
res Illustrissimi Antistitis, ceu vberissimo quodam
fortissimorum Ciuium solo, prodierunt. Sed non
patiar eo in loco, mediocritatem meam periclitari,
qui præstanti ingenio viros, summâ copiâ, & facul-

rate dicendi, vix vnquam pares futuros arbitror.
Illud tantum quasi per transennam aspiciens, non
possum strictim non attingere, Illustrissimum Anti-
stitem, nobilissimo sanguine, clarissimisque parenti-
bus fuisse procreatum. Quod cum sibi parum ad
vitam olim cum dignitate transigendam, profutu-
rum cognouisset, extemplo impensius cepit cogi-
tare, vt prima illa vitæ rudimenta, necdum satis
confirmatum viuendi tyrocinium, illis addiceret
occupationibus, in quibus semina quædam, Eccle-
siæ & Reipublicæ probè administrandæ, viserentur.
Hinc factum fuit, vt quātum cæteri tēporis, corpori
molliusculè curando, quantum festis diebus ludo-
rum celebrandis, quantum intempestiuus conuiuiis,
quantum voluptatibus, aleæ, pilæ, somno, concede-
rent, tantum ille impertiret tractandis honestissimis
literarum disciplinis. Testis est suarum contentio-
num inclyta mater Academia, quæ vt antea mirifi-
cè lætabatur, factum suum, eo dignitatis prouectura
esse, vnde non exiguum, rebus suis vltèrius promo-
uendis, poterat sperare subsidium: ita nunc grauiter
acerbèque dolet, quod sibi tanto bono diutius frui
non licuisset. Testes exteræ nationes, quarum mo-

res; instituta; leges; consuetudines; non curioso dun-
taxat ad oblectationē oculo circumspexit; sed men-
te animoq; sagaci, ad vsum & necessitatem Reipub.
ita perlustravit; vt nihil planè ibidem reperiretur;
vnde vel Ciuis boni exempla; aut hominis solide
eruditi præcepta desumi possent; quod non pri-
mum exploraret prudentiā, deinde imitatione; &
summā animi contentione esset confectatus. Nimi-
rum hoc ipso gentibus manifestum fieri voluit, po-
pulo Septentrionem inhabitanti; modo labor &
conatus adsit, nihil prorsus deesse; ad thesauros in-
estimabiles, quā virtutum, quā scientiarum, com-
parandos. Existimabant antea non pauci, indol-
entem Sarmatarum, pertractandis honestissimis lites-
rarum disciplinis parū idoneam esse: barbariei &
hebetudinis eam passim in simulabāt. Musas Septē-
trionem ingredi tentantes, in sinibus ipsis, frigoribus
empiternis obriguissē, hæsisse, constitisse; summā
cum nominis nostri ignominia, clamitabant. At
tibi mirificam, Illustrissimi Antistitis nostri, animi in-
dustriam, rerum multarum, & magnarum solertem
intelligentiam, in ætate nondum consilio, aut iudi-
cio maioriore corroboratā propè senilem matu-
ritatem

ritatem conspexerunt: fateri vel inuiti coacti sunt,
etiam sub aspero cælo, amænissimos eruditionis
flosculos, nasci fouerique. Quare vindicato egre-
gijs dotibus suis, à tam graui exterorum calumnia
Septētrione: adscripto per assiduos labores in suum
vsum, virtutum bonarumq; artium, egregio comi-
tatu, feliciter in patrios lares, cum voluptate & sum-
mâ omnium expectatione regressus est. Atque vt
sua indoles, & perspicua dexteritatis, in rebus scite
obeundis, apud externos iacta fundamēta, in omnes
Reipublicæ partes, diffunderentur, Aulæ Serenissi-
mi SIGISISMVNDI III. amplissimo, exhi-
bendæ industriæ theatro, adscribi curauit. Non
poterant ibi longo tempore, præstantissimæ dotes
suæ, in obscuro latere, sed fulgoris instar, summorum
quorumuis in Repub. Virorum, oculorum mentis
aciem, perstrinxerunt. Suspexit in primis Illustriss.
Antistitis ingenium, ad omnia præclara natum, in
signi prudentiâ & pietate in patriam, MATTHIAS
de Buzenin PSTROKONSKI, Supremis olim
Regni Cancellarius, Episcopus Vladislauien. cumq;
maiore solito beneuolentiâ complexus, dignum
semper iudicauit, quem Rex, in partem curarum
suarum

harum quàmprimùm aduocaret. Admirati sunt,
omnium sæculorum, omnisq; memoriæ maxima
florentissimi istius Regni ornamēta, GEBICIVS,
TILICIVS, KRISCIVS, LESCZINI-
VS, genuinum suæ modestiæ, humanitatis, cando-
ris, sapientiæ, negotiorum facilè gerendorum spe-
cimen; quorum postea frequenti, suæ dexteritatis
in agendo apud principē commemoratione, perfe-
ctum est, vt propensiori in Illustrissimū Antistitem
ferretur affectu; & in expediendis difficillimis Reip.
causis, suā operâ vteretur. Respondit quouis in lo-
co opinioni de se præconceptæ Illustrissimus Anti-
stes; Spartam quamcunq; nactus fuerat, ita ador-
navit, vt in eâ penitus nihil desideraretur, quod &
ad authoritatem mandantis tuendam, & ad pru-
dentiam exequentis declarandam pertineret. Qua-
re non est passus Serenissimus Princeps exploratam
Optimi Cuius, in commissionibus periculosissimis
prudentiam, in negotijs difficillimis dexteritatem, in
causis dubijs & obscuris ingenium, in reconditis &
confusis solertiam, in ambiguis & perplexis seduli-
tatem, inferioribus honorum subsellijs diutiùs deti-
neri: exponit tanquam non degenerem aquilæ pul-
lum,

lum, ad splendidiōres radios lucis publicæ: intimio-
tis consilij arbitrum, quem nos vocamus Magnum
Secretarium creat: mox licet sublimi, at perquam
laboriosæ Procancellariatus, tandem Cancellaria-
tus, qui senon longo excipiebant interuallo, præfi-
cit gubernationi. Palmæ similem vidisset tunc
Illustrissimum Antistitem; qui quò grauiōres, pro
amplificando communi bono sufferebat labores,
eò erectiōrem firmioremq; se fieri, sentiebat, ad ea
conficiēda, ex quibus cultus diuini propagatio, am-
plissimi Poloniarum Regni fama, nominis sui im-
mortale decus sequeretur. Nescit enim animus,
labori innutritus quiescere, nescit, sed quæuis ardua
& periculosa aggreditur; nec languere potest, vbi
honestæ occasiones, illius exercendi atq; exerendi,
fuerint oblatae. Iam verò quæ commodior occa-
sio Illustrissimo Antistiti poterat obtingere, decla-
randi indolem sibi à Deo Opt. Maximo, non mol-
lis Euryschæi, sed laboriosi Herculis, non otio dif-
fluentis Vatiæ Seruiliij, sed perpetuo intenti operi
Scipionis, concessam esse, quàm in vtroq; paulò su-
perius nominato magistratu: in quo sudandum erat
pro communibus commodis, adeundæ inimicitia,
subeun-

libeundæ sæpè pro Repub. tempestates, cum mul-
tis audacibus, improbis, nonnunquam etiam po-
tenterioribus dimicandum. Quare tam sublimi offi-
cio, voluntate sapientissimi Regis, consensu pruden-
tissimi Senatus, omnium ordinum summo cum
applausu, Illustrissimus Antistes noster decoratus;
quid non egit, quod ad communem spectaret utili-
tatem; quod prætermisit negotium, siue sago, siue
toga gerendum, cui promptam ac expeditam non
admoueret manum; quod tempus elabi passus est,
quo in causas innocentium non introspiceret, in fla-
guosos non animaduerneret, bona per vim & im-
moderatam habendi cupiditatem erepta, ab iniustis
possessoribus non vindicaret. Iux quædam me-
lioris fortunæ, hominibus calamitosus oblata vide-
batur, postquam intellexerunt Illustrissimum Anti-
stem, eò omnes conatus suos referre velle, vt iudi-
ciorum vi & grauitate, si diminuta fuisset reuocata,
infamiâ ac inuidiâ eorundem remota, spe corrup-
tendi consilij præcisa, luculenter doceret, nihil ma-
ius in foro vigere se Cancellario, quam iustitiam;
iniquitatemq; in suis subsellijs, sine vllis præmijs quæ-
quam obtinere, iniquitatem verò nulla vi pecuniæ,

nullo auro etiam in vnum ex omnibus Gazis con-
gesto, emere posse. Neq; eos spes vana delusit: nam
breui temporis spatio vix interiecto, afflictos recte-
auit, sceleratos compressit, licentiosos partim rigori
legum, partim innatâ benignitate, in orbitam pro-
bitatis reduxit. Hic ego summam prudentiam, hu-
manitati & mansuetudini arctissimo nexu confo-
ciatam, Illustrissimi Antistitis, quâ in rescindendis
litibus, & atrocissimis exulceratorum animorum
odijs vsus est, licet cuperem, non possum tacitus præ-
terire: ne id quod in Optimo Patriæ Ciue, vt rarum
ita summum est, à me qui cætera strictim comme-
moraturus sum, prætermisum esse videatur. So-
lenne & vsitatum fuit Illustrissimo Antistiti, quoties
ad suum Tribunal, grauiores tam potentiorum quam
inferiorum deuoluerentur causæ, eas non statim ad
rigorem legum, strepitumque iudiciorum vocare,
priusquam benignitate eorum animos explorasset:
non statim seueriore iudicis decreto cõcludere; do-
nec prius flexanimam eloquentiæ suæ ad eos curan-
dos medellam admouisset. Quo in negotio, quam
semper felix extiterit, eos omnes appello, quos ille
sine fastu, sine insolentiâ, sine supercilio, ad amica-
bile

ble colloquium admittebat; quos suo patrocinio,
dubio & periculoso litium fallo eceptos, in trāquil-
lissimo optatissimæ quietis fortunarumq; suarum
portu collocauit. Poterat illud sine vlllo iactantiæ
vitio, ex hac molestiarum plena decedens vita pro-
nuntiare, quod animam agentem de se Periclem,
Plutarchus dixisse fertur: neminem sua operâ, pul-
lam vestem vnquam sumpsisse. Nam siue ad cor-
rectionem licentiosorum descendendum erat, irasci
quam nocere honestiùs putabat; Siue animaduer-
tendum seuerius in delinquentes, voce potius acer-
biori, & seueriori oculorum aspectu, eosdem potius
quam pœna coercebat. O præclarum Ciuis optimi
in administrandâ iustitiâ modum? O egregiam re-
tinendorum in suo officio Ciuium rationem; ita
omnia dextrè suauiterque peragere, vt illi quos sen-
tentia rigor vrgeret, æqui pacatiq; dimitterentur; ita
omnia scitè attemperare, vt cum gratiæ causa nihil
fieret, omnia tamen grata haberentur. Magna hæc
sunt & firma fatis, etiam vestro assensu tacito, in Illu-
strissimo Antistite, boni Patriæ Ciuis argumenta, ta-
men, vt in tutela & patrocinio dicendorum
conquiescant. Nam nisi bonus Patriæ Ciuis, susce-

pto gerendæ Rēipublicæ negotio, securitati Ciuium
prospicere, impendentia regno pericula amouere,
exorientes tumultus grauiores sedare, secretiora ho-
stium consilia perscrutari sciat, demum animo pro-
pto & parato sit, ad vitam pro suis ciuibus profun-
dendam; etiamsi nescio quibus iustitiæ, benignita-
tis, affabilitatis, prudentiæ, radijs colluceat, non est
tantoperè cur Ciuis boni nomine gloriatur? Et sa-
go, & toga illustrem eum fieri oportere sapientissimi
Rerumpublicarum cēsores existimant, quicunque
amplissimo Ciuium bonorum catalogo, virtu-
te & non emendicato à fumosis imaginibus fultus
præsidio, adnumerari contendit: ne & pacis tē-
pore, submouendis exorientib⁹, internarum dissen-
sionum procellis consiliū desit, & excitato tumultu
bellico prudens consiliarius, rerumq; gerendarum
gnarus moderator accersiri cogatur. Geminò hoc
Ciuis boni insigni, Illustrissimum Antistitem, cōspi-
cium fuisse, ille tantum negabit, cui grauissimorum
periculorum, quibus se Cancellario Respublica fuit
exposita non subit recordatio: in quibus ita se gessit,
vt perspicacis Patriæ Ciuis munia obire destitit
nunquam. An potest magis formidolosum acci-
dere

dece tempus Patriæ, atq; illud, quod nostris vulgo
dici solet Interregnum; quo & finitimorum hostium
grauiores contra nos inualescunt machinationes;
& internis Ciuium dissensionibus, Vniuersæ Reip.
tranquillitas conuelli, deq; suo statu dimoueri con-
fuevit. Turbauerat aliquantisper, lugubris Reipub.
facies, Illustrissimum Antistitem nostrum; non ta-
men quidquam de innatâ erga se caritate, & vsitata
diligentia detraxit. Nam quantò maioribus ean-
dem, tam intra, quàm extra, implicari videbat diffi-
cultatibus, tantò impensius laborabat, in cogno-
scendis hostium consilijs, muniendis præsidio limi-
tibus, adiungendis finitimorum populorum ani-
mis, suppressendis inter ciues simultatum fomiti-
bus, procurandisq; omnibus alijs, quæ ad retinendam
integritatem publicam spectarent. Non defuit tam
salutaribus consilijs atq; contentionibus, supremi
orbis Monarchæ adiutorium: sublata breui tem-
poris spatio, inter dissidentes in religione controuer-
sæ: extincta inter gentes, non solum locis inter se
dissitas, sed etiam moribus perquàm dissimiles, in
ampliandis, vel restringendis libertatibus suis con-
certatio: reddita pax & tranquillitas vniuersis: Sere-
nissimus

nissimusq; VLADISLAUS IV. vnanimi omniū
consensu & acclamatione Rex Poloniae est renun-
ciatus. Credidisset nonnemo felicem & votis
omnium expetitam, Serenissimi Principis inaugura-
tionem, laboribus Illustrissimi Antistitis finem alla-
turam: recessuras aduentu tanti boni, mordaces &
sanguisugas curas: myriadem molestiarum se adin-
uicem subsequendum procul abituram. Sed aliter
fatis visum est: vix enim aliquid virium, graui & pe-
riculosâ, sub tempus Comitiorum felicitis Corona-
tionis infirmitate attritarum, Illustrissimus Antistes,
collegit: antequam integrè quod amissum esset re-
cuperauit: subitò fæda illa & formidanda Moscho-
uiticorum armorū in Patriam incumbens flamma
exarsit, suæq; magnitudini & sapientiæ explican-
dæ occasionem dedit. Quid tum animi censeatis
fuisse Illustrissimo Antistiti? excusationes forsan op-
posuisse debilioris valetudinis, quominus iter lon-
ginquum cum Serenissimo Rege susciperet? nequa-
quam Auditores. Languerat præ nimia imbecil-
litate corpus; at animus summo in Patriam amore
æstuabat, neq; patiebatur se quiescēte, cum fluctibus
hostilis ferocitatis opponi, in cuius salute omnium
Ciuum

Ciuium ſalus verteretur. Verè ſæuus eſt amor, illo-
rumq; rationibus inimicus, quorum animos vrit:
his verò benignus & fructuoſus, qui nos ſibi eo de-
uinctos habent. Iuit promptus & alacer cum Se-
reniſſimo Principe, debili licet corpore, at animo
cōtra quaſuis hoſtium machinationes inſuperabili,
Illuſtriſſimus Antifteſ: non recuſauit inſtar alterius
Seruij Sulpicij, quominus etiam in valetudine non-
dum ſatis confirmatâ, ſi quam Reipublicæ opem
ferre poſſet, experiretur. Non illum imbecillitas
virium, non longitudo itineris, non aſperitas viarū,
non imminens hyemis ſæuitia, non paucitas exer-
citus noſtri retardauit, vt præſtò adeſſet ſuâ operâ,
fide, conſilio, Sereniſſimo Regi, ad exarmandos ſce-
lere nefario hoſtium animos, pænaſq; violati fæde-
ris, & conſractæ amicitiaë depoſcendas. Maluit vi-
tam aperto mortis periculo exponere, quàm vel mi-
nimam exiſtimationis, deſerto recens in augurato
Principe, apud conciues ſuos iacturam pati. Nec
abſque ſingulari Dei Optimi Max. prouidentiâ fa-
ctum eſt, quod inter alios non minùs authoritate,
quàm prudentiâ in ſignes viros, etiam Illuſtriſſimus
Antifteſ, ſe comitem difficultatum, laborum, peri-

D

culo.

culorumq; Serenissimo Principi adiunxerit: quid-
quid enim paucitati fortissimorū militum, in com-
pellendis ad deditiōem sine cæde hostium animis
defuit, id faciūdia & melle dulcior Illustrissimi Anti-
stitis oratio suppleuit. Pendebat ab ore illius ex va-
rijs contra nos gentib⁹ collectus Moschorum exer-
citus, & latibulis quibus immori metu subsequen-
tis infamiæ decreuerat relictis, supplex à victore
Clementissimo veniam est precatus. — O incredibi-
lem eloquentiæ ZADZICIANÆ potentiam?
O victoriam & ipsis hostibus salutarem, & nostræ
genti perquàm gloriosam? Circumferant alij pru-
dentissimi ad Troiam Nestoris consilium: depræ-
dicent Gyneæ in subiugandis Pyrrho populis elo-
quentiam; extollant cælo tenus in excitandis ad re-
sistendum hosti Atheniensium animis, summam in
dicendo vim Demosthenis. An non omnes Illu-
strissimus Antistes noster multis post se relinquit pas-
sibus; qui sine ferro, sine sanguine, sine cæde, non
modo hostiles ad Smolenscum compescuit acies;
sed etiam sospes & incolumis redux, excitatos post
quinguenniū grauissimos in Prussia tumultus, con-
silio compressit sedauitq;, & propositis antè oculos
maximis

maximis vtriusq; gentis incommodis, hostem felici-
onibus in Imperio successibus inflatum, & non-
nisi pugnas atque cædes spirantem, ad mitiora pacis
stabiliendæ consilia reuocauit; neque inde excessit,
donec hostis Prouinciam, tot annorum spatio ve-
ratam, arces dolo & fraude possessas, vrbes & oppi-
da contra omneius fasq; erepta, restituisset. O quàm
ingenti amplissimum hoc regnum cēsetis perfusum
fuisse lætitiâ Auditores Humanissimi, postquam
multorum sermonibus percrebuisset, hostem è suis
finibus excessisse; paceq; studio & opera Illustrissimi
Antistitis confirmatâ, Prussiam imò vniuersam Po-
loniam, ex assiduâ direptionibus, laniensis, cædibus,
eandem aliquando respirasse. Equidem vox mihi,
laterâ, verba non sufficerent; si commemorare vel-
lem, quàm amæno vultu, serenâ fronte, toto corpo-
re ad hilaritatem composito, Serenissimus Princeps,
Senatus frequens, vniuersus equester ordo, redeun-
tem Illustrissimum Antistitem nostrum exceperit:
quam copiosas gratiarum actiones instituerit, ob la-
bores retinendæ tranquillitatis publicæ gratia susce-
ptos. Dignum quisque existimabat, vt quampri-
mum tam egregium conseruatæ Reipub. studium,

aliquâ sublimi & excelsâ honoris collatione à Sere-
nissimo Principe decoraretur; Nec quidquam mo-
ratus est tam votorum communium, quam inspi-
rationis diuinæ obseruantissimus Princeps: hono-
rificentissimâ Cracouiensi Episcopâ Illustrissimum
Antistitem exornat: in eminentiori, tam Reipub.
quàm Ecclesiæ Dei specula collocat; ne & Ciues suâ
operâ conseruati, à finitimis hostibus infestentur,
& grex Dominicus, à nefarijs infernalium sedium
prædonibus, iacturam æternæ salutis patiat. Ob-
sequitur diuinæ vocationi Illustrissimus Antistes:
honori diuinâ potius, & non humanâ ordinatione
oblato, humeros non sine cunctatione, ob innatam
modestiam supponit: Diæcesimq; Cracouiensem,
frequentibus Pastorum suorum funeribus squalli-
dam, recreat, reficitq;. Et quidni reficeret? cui salus
gregis commissi potior semper, quàm sua commo-
ditas habita est. Non ego, sed Episcopa Culmenis
loquatur pro me: quæ cum sibi dispositione Dei
obligisset, quamuis publicis negotijs intentus, nul-
lam tamen interponendam censuit moram; quin
omnes eius perlustraret defectus, & omnia ad regu-
lam sanctioris officij reuocaret. Longum esset re-
censere,

conferre, quantum laboris impendit, restituendo ad
grauitatem & vitæ sanctimoniam Clero, euellendis
fidelium cætu variorum vitiorum monstribus, tol-
lendo execrabili, quâ superstitionum, quâ inanum
obseruationum vsu: reducendis ad ouile Christi fal-
laci doctrinâ irretitis & illaqueatis ouibus: reficien-
do lætis & amænis verbi diuini pascuis, & limpidissi-
mis æternæ beatitudinis fontib⁹ gregi: recuperândis
adibus Religioni Catholicæ consecratis, & à spur-
cissimis prauitatis Hæreticæ sectatoribus occupa-
tis: instillando vero & non apparenti diuini cultus
amorem & non tantum longum, verum fortassis etiã
ædiocum, vobis præsertim audientibus, quib⁹ hæc
lucelarius meridianâ, ex ipso Episcopæ Cracouien-
sis regimine innotuerunt. Sed dum cætera vigi-
lantia & curæ Pastoralis, in Illustrissimo Antistite
præmitto argumēta, illius sanè Zeli, in vindicandâ
gravi iniuriâ, imagini Christi in cruce pendentis,
prope Racouiam illatâ, obliuisci non possum. Ex-
horrescit animus ad memoriam tam impij facino-
ris, mens stupet, lingua obmutescit, sensus officio suo
resagi recusât, ne tam execrandi flagitij, vlla apud
homines innouetur recordatio. Sed quandoqui-

dem vrgentibus grauissimis peccatorum nostrorum sarcinis, eò impietatis malitia, hostium Religionis Orthodoxæ prolapsa est; haud abs re futurum auguror, si vel per transfennam attingatur, & poenæ, promouente feruenter Illustrissimo Antistite causam, quibus expiata est, ad deterrendos à simili scelere sacrilego posterorum animos proponantur. Rem prout gesta est breuiter accipite. Erat propè sentinam omnis perfidiæ, errorumq; toto mundo damnatorum, Racouia intelligo, Columna Christi in Cruce pendentis effigiem sustinens: ad hanc cum scelerata iuuetus, præeunte impurissimo falsorū de Deo Dogmatū in centore accessisset: extemplo, proci facinus, venerandam Christi imaginem auellit, pedibus conculcat, & quod maximè dolendum, minutatim concisam, disiecit per agros vicinos, in summum Religionis Christianæ opprobriū. Colligunt pietate & reuerentiā permoti, sparsas per agros imaginis particulas fideles; scelus perpetratum Illustrissimo Antistiti denunciant; & ne tam impium facinus impunitum relinquatur, feruentissime orāt & obtestantur. Pupugit vehementer tam grauis Deo illata, Illustrissimum Antistitem, iniuria, neque permittit

permisit quidquam temporis interponi, quominus
de atrocitate adeò nefandi criminis quamprimum
cognosceretur. Dat igitur extemplò negotium
quibusdam ex suis domesticis, tum in vicinia ma-
nentibus ytriusq; status & conditionis viris fide di-
gnis inquirendi, an cum veritate conveniat, pio
affectu ductorum hominum delatio. Ac postquam
diligens inquisitio nefarij sceleris enormitatē com-
probasset, doloris quem ex tam detestabili, & plus-
quam barbarā crudelissimorum carnificum imma-
nitate concepisset, Serenissimum Principem, uni-
versumq; Senatum participem facit: grauiā impen-
dere Regno flagella admonet, ni tam execrandi sce-
leris ultor existat. Non concessit vigilantissimo Pa-
troni, in declaranda erga supremum numen pietate,
Serenissimus Princeps; publico edicto hæredem,
omnis impietatis etiā cum summo fortunarū suarū
detrimēto promotore, in Comitijis generalib⁹ sistere
cogit; vtque citra moram, nunquam in Polonia
audita immanitatis architecti extradantur, sub pæ-
nis grauiissimis mandat. Comparet in conspectu
Principis, totiusq; Senatus, impudens & plenus mō-
roſa impietatis fenex, patrocinio fidens, quod sibi,
à simili

à simili hominum fece pollicebatur. Agitatur cau-
sa diligenter in senatu: quæritur author orco sugge-
stæ impietatis: producantur firma & conuincen-
tæ perpetrati sacrilegij documenta: dies statæ sententiæ
ferendæ assignatur. Subolsfecit bellua multorum
capitum Hæresis rigorem decreti: tranquillam Co-
mitiorum faciem interturbare incipit: nec prius se
ad statuendum quidquam in rem communem ac-
cessuram protestata est, priusquam sceleratus quis-
quiliarum Racouiensium fautor absolueretur. Re-
stitit effrenatæ personatorum Ciuium, Illustrissimus
Antistes audaciæ & impudentiæ: maluit potius
Rempublicam aliquod integritatis suæ detrimentum
pati, quam permittere, vt crimen læsæ maiestatis di-
uinæ, se Pastore impunitum abiret. Fauit Serenissi-
mus Rex, imò cunctus Senatus, pio causæ piissimæ
promotori: edicto sanxit publico, vt primo quoque
tempore, illa blasphemix latibula, perfidiæ recepra-
cula, pestiferæ Hæresis seminaria eliminarentur.
Exulat iam inde summo Dei beneficio, exitiosa mū-
do Arrij doctrina: sublata infelicis Socini delira-
menta: obliuioni traditæ lethales Calumni instituti-
ones: conciliabula omnium errorū funditus euen-
t

ipſi ſcelerum artifices, ſuperſtitionum miniſtri, veræ
dei deſertores expulſi, non prius metu vitæ amit-
tendæ ſoluti ſunt, donec in KISIELINO, Raco-
nienſium quiſquiliarum aſyllo conſtitiffent. Feli-
cem appellauerim, vel eo nomine, Illuſtriſſimum
Antiſitem, quod ſtabulum illud, ſordibus multi-
plicis perfidiæ, à multo ſatis tempore inquinatum,
ceualter Hercules, expurgarit; & implantatis amæ-
niſſimis Religionis Chriſtianæ ſurculis, in hortum,
vario genere virtutum Dei auxilio paulò poſt aſpe-
ctabilem, commutarit. Sed diutius forſitan quàm
debui, inani & impolito verborum ſtrepitu, veſtras
aures patientiſſimas, videor mihi detinuiſſe. Qua-
propter ne moleſtus ſim, & ne parua naui videar
maſſa velle emetiri, ad portum me recipiam, ſi bre-
uiter, & ſuccinctè ſaltem illuſtria animi inclinatiſſi-
mi, patrieini præſentis, & beneficentiæ raræ, tum
in Academiam, tum in Beatum Patrem noſtrum
IOANNEM CANTIVM, Illuſtriſſimi Anti-
ſitis, argumenta commemorauero. • Iam verò in
illis vel ſic recensendis, quid primum petam? aut
unde potiſſimum exordiar? ſanè nescio. Refricem
memoriam, fædæ illius & ingentis procellæ, in

E

cym-

cymbam Iagellonianam excitatæ; quâ adeò iam
premi visa est, vt nulla penitus spes, è tam vastis flu-
ctibus emergendi, etiam illis superesset, quorum
afflictæ res nostræ, singularem fauorem, & patroci-
nium sunt expertæ. At hæc, postquam geminua
Sydus, supra amplissimi Poloniarum Regni Hon-
fontem, Serenissimus nimirum Rex, & Illustrissimus
Antistes exortum est, ex vehementibus tempestati-
bus, & naufragio, ope Magni, Magnæ Navis mo-
deratoris erepta, in optatum portum, salua & inco-
lumis se recepit. An liberalitatē & munificentiam,
in eo exornâdo loco, in quo plurima sibi, ad vitam
laudabiliter transigendam, subsidia comparasset de-
prædicem? at hanc licet plurima ædificia magnifica,
in rem Ecclesiæ & Reipub. splendide sumptuosæq;
varijs in locis erecta testabūtur, maximè tamē Con-
tubernium Hierosolymitanum; in gratiam Nobi-
litis Polonæ, non ita pridem reformatum, am-
plissimèq; dotatum; & gratissima memoria profe-
quetur, & debitis apud seram posteritatem celebra-
bit encomijs. Iuventus hæc florentissima, hoc ver-
sacrum, hæc tenera futuri sæculi plātatio, postquam
in magnos Reipublicæ adoleuerit fructus, beneficij


memor

memor, tacebit nunquam; & moroso tantam be-
neficientiam, non permittet inobscurari silentio.
Parentes ipsi, quorum tenuiores fortunæ, vitæ suæ
honestius sustentandæ, nedum filijs alibi educandis,
vix sufficerent, quas non rependent tam benefico
Dotatori gratias; quibus parcent laboribus, vt Illu-
strissimi Antistitis nomen perpetuò mansuris infe-
rant fastis? quod eo tempore ipsorum proli provi-
sum esse voluisset, cum omnes propè omnium Pa-
tronorum fontes exaruisse viderentur. Quare non
tantum laudis, & immortalitatis, illos sibi compa-
rasse facile mihi persuadebo, quibus aureæ quon-
dam statuæ erigebantur, aut quibus altissimæ colu-
mnæ, immensæ magnitudinis obelisci, exadifica-
bantur; quantum Illustrissimum Antistitem, qui
vix collocavit immobilia gloriæ suæ fundamenta,
quot adolescentibus de suo peculio prospexit, qui in
spem Patriæ succrescerent, & piissimi olim Ante-
cessoris sui ZBIGNEI OLESNICII nomen,
numq; pariter, ab interitu & obliuione vindicarent.
Sed quid ille metuat obliuionis, & ingratae tacitu-
ritatis potentiam, ad cuius immortalitatem nominis
propagationem, homines Diuique consenserunt?

Ipsc Diuus, noster IOANES CANTIVS, ad
cuius Aram, & Sacros Cineres, magis visendū care-
ris ab Illustrissimo Antistite conspiciamus appensum
esse donarium: audimus frequenter pecuniam tri-
ginta millium florenorum, partim extruendo ho-
nestè sacello, partim curandæ Canonisationi desti-
natam, & numeratam: nunquid eius memoriam
ab ingrata taciturnitate non vindicabit? qui suam
vitæ sanctimoniam, ybiuis gentium, quamprimum
claram fieri voluerit; nunquid non supplices hacte-
nus ad Deum Optimum Maximum non fundebat
preces, vt pius sui cultor, piè ex hac vitâ exiret; & pro
hoc munere temporaneo, cælo receptus, gloriam
consequeretur immortalem. Viuet; itaque sem-
per Illustrissimus Antistes noster, in morituris nun-
quam virtutum promeritorumq; trophæis; viuet in
memoriâ carissimæ Patriæ, nullâ temporis iniquita-
te obliterandâ; viuet in ædificijs honori Diuino,
communiq; vsui sumptuosè erectis; viuet in libe-
ralitate & munificentia; in Ecclesijs, egenos, D.
Patrem nostrum IOANNEM CANTIVM
declaratâ; Viuet in ore Professorum, inclytæ matris
Academiæ, qui quàm diu hæc subsellia, honoris &
laboris

loris plena occupabunt, tamdiu Mecenatis am-
plissimi gloriosam instituent prædicationem; Viuet
denum in consanguineo suo Perillustri & Admo-
dum Reuerēdo D. IOANNE ROMISZE W-
SKI, Præposito Lascensi, Scholastico Craco-
uensi: quem vt feruentem virtutum suarum con-
spicimus imitatore, ita honorum omnium, qui-
bus gloriosè perfunctus est, & patrocini in Acade-
miam speramus fore successorem. Et viuet qui-
dem Illusterrimus Antistes in intima memoria ami-
corum, quibus famam, nomen, decus immortale
reliquit: sed pios illius Manes, iam heroica virtus,
constantia, fortitudo, vitæ innocentia, ac Religio
libata, cæteraq; merita, preciosis gloriosa monu-
mentis, in æternitatis Capitolium deduxerunt;
vbi vera lux, certa salus, nullis concussa turbi-
binibus liberrae pax, quies, tranquillitas,
in Dei Optimi Max. visione beatâ,
in omnes sæculorum Myriades,
& vltra, & vltra, securè
conquiescunt.

DIXI.




Impensis ex fundatione perpetua
Magnifici Domini,
D. BARTHOLOMÆI
NOVODORSKI,
Equitis Meliten. Ordinis S. Ioannis
Baptistæ Hierosolymitani, S.R.M. Au-
lici, & militiæ Præfecti, Commen-
datoris Posnaniensis,
excussum.



1

is

u-





620859 **Bibliotheca** 10000,-
P.P. Camaldulensium in Bielany

Depozyt w Bibliotece Jagiellońskiej



00417

